

VENDIM
Nr. 28, datë 29.5.2015

**PËR SHPËRNDARJEN E FONDIT PËR PROGRAMIN E ARSIMIT, PJESË E FONDIT
PËR ZHVILLIMIN E RAJONEVE, PËR VITIN 2015**
(Ndryshuar me vendimin nr. 44, datë 27.11.2015)

(i përditësuar)

Në mbështetje të nenit 100 të Kushtetutës dhe të nenit 15 e të aneksit 3, të ligjit nr. 160, datë 27.11.2014, “Për buxhetin e vitit 2015”, Komiteti për Zhvillimin e Rajoneve

VENDOSI:

1. Shpërndarjen e fondeve për projekte të programit të arsimit (nënprogrami i arsimit bazë, arsimit të mesëm dhe arsimit të lartë), pjesë e Fondit për Zhvillimin e Rajoneve, për vitin 2015, sipas tabelës 1, bashkëlidhur këtij vendimi. Nga programi i arsimit, pjesë e Fondit për Zhvillimin e Rajoneve për vitin 2015, Ministria e Arsimit dhe Sportit mund të përdorë fondin prej 65,026,461 lekësh për financimin e zbatimit të investimeve të veta.

2. Autoritetet kontraktuese për projektet, sipas pikës 1, të këtij vendimi, brenda një jave nga data e publikimit të këtij vendimi në Fletoren Zyrtare, duhet të paraqesin pranë sekretariatit teknik për arsimin, në Ministrinë e Arsimit dhe Sportit, kalendarin me të gjitha afatet e parashikuara për fazat e prokurimit publik e të zbatimit të punimeve të ndërtimit e përdorimit të fondeve, si dhe emrin e personit përgjegjës për ndjekjen e zbatimit të punimeve.

3. Autoritetet kontraktuese për projektet, sipas pikës 1, të këtij vendimi, duhet të kryejnë procedurat e prokurimit publik dhe të lidhjes së kontratës përkatëse për zbatimin e punimeve të ndërtimit deri në fillim të tremujorit të tretë të vitit 2015. Për fondet e projekteve të paprokuara sipas këtij afati, Komiteti për Zhvillimin e Rajoneve ka të drejtën të rishqyrtojë financimin dhe t’i rishpërndajë ato për një projekt tjetër.

4. Për projektin nr. 4, që jepet në tabelën 1, bashkëlidhur këtij vendimi, fondi për supervizimin dhe kolaudimin e ndërtimit të objekteve arsimore i referohet projekteve 2, 3, 4, 5 dhe 6, të tabelës 1, që i bashkëlidhet vendimit nr. 19, datë 16.5.2015, “Për shpërndarjen e fondit për thirrjen e dytë për nënprogramin e arsimit, si dhe për një ndryshim në vendimin nr. 11, datë 25.2.2015”.

5. Ngarkohet sekretariati teknik pranë Ministrisë së Arsimit dhe Sportit të kryejë monitorimin dhe raportimin e ecurisë së zbatimit të projekteve pranë Sekretariatit të Përgjithshëm të Komitetit për Zhvillimin e Rajoneve, në Kryeministri, sipas kalendarit të paraqitur nga autoritetet kontraktuese, në përputhje në pikën 3, të këtij vendimi.

6. Ngarkohen ministri i Arsimit dhe Sportit, ministri i Financave dhe Sekretariati i Përgjithshëm i Komitetit për Zhvillimin e Rajoneve, në Kryeministri, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYETARI
Edi Rama

Zëvendëskryeministri	zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit, Tregtisë dhe Sipërmarjes	anëtar;
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Shëndetësisë	anëtar;
Ministri i Bujqësisë, Zhvillimit Rural dhe Administrimit të Ujërave	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Bashkive të Shqipërisë	anëtar;
Kryetari i Shoqatës së Komunave të Shqipërisë	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës për Autonomi Vendore	anëtar.

(Ndryshuar me vendimin nr. 44, datë 27.11.2015)

Tabela 1. Lista e projekteve të arsimit, me reduktim apo shtesë financimi për 2015, nga Fondi për Zhvillimin e Rajoneve

Nr.	Autoriteti kontraktues	Emri i projektit	Vlera e projektit (Lekë)	Vlera e kontratës (Lekë)	Vlera e Financimit të miratuar për vitin 2015 (Lekë)	Fonde që i reduktohen financimit të vitit 2015 (Lekë)	Fonde që i shtohen financimit të vitit 2015 (Lekë)
QARKU BERAT							
1	Bashkia Ura Vajgurore	Rikonstruksion i kopshtit qendër Ura Vajgurore, Bashkia Ura Vajgurore	26,705,933	24,254,944	13,352,967		10,901,977
2	Bashkia Ura Vajgurore	Sistemim, rrethim oborri, ndërtim palestere Shkolla e Bashkuar, Lagja "4 Shtatori", Ura Vajgurore	35,160,733	24,317,111	12,833,620		11,483,491
QARKU DURRËS							
3	Bashkia Krujë	Rikonstruksioni i shkollës se mesme "Skenderbej" Krujë, (sistem ngrohje, sistemime te jashtme, terrene)	25,696,275	25,501,820	12,848,138		12,653,682
QARKU ELBASAN							
4	Bashkia Cërrik	Rikonstruksion dhe ndërtim palestere i shkollës 9vjeçare "7Marsi" Bashkia Cërrik	51,517,643	51,300,000	25,758,822		25,541,178
5	Bashkia Gramsh	Rikonstruksion i palestrës së gjimnazit "Shefqet Buzi", Bashkia Gramsh	3,244,751	3,000,000	2,134,834		865,166
6	Fondi Shqiptar i Zhvillimit	Rikonstruksion i shkollës së mesme të bashkuar "Caush Senja" Tunjë, Komuna Tunjë	6,494,161		3,247,081	3,247,081	
QARKU FIER							
7	Bashkia	Ndërtim i palestrës, terrene,					

	Divjakë	sportive, rikualifikimi i hyrjes, ana perëndimore dhe muri rrethues së shkollës së mesme "Miti Zoi Zaka"	67,144,140	63,580,018	33,572,070	25,000,000	
8	Bashkia Divjakë	Rikonstruksion i kopshtit dhe palestrës në shkollën "Koli Sako", Bashkia Divjakë	59,941,649	42,591,146	29,970,825	15,000,000	
9	Bashkia Fier	Rikonstruksioni i shkollës së mesme publike "Janaq Kilica"	46,851,701	27,165,114	23,425,851		3,739,263
10	Bashkia Lushnje	Rikonstruksion shkolla e mesme e përgjithshme "18 Tetori", Bashkia Lushnje	53,141,487		26,570,744	12,000,000	
11	Fondi Shqiptar i Zhvillimit	Rikonstruksion i shkollës 9vjeçare fshati Toshkës, Komuna Allkaj, Lushnje	38,497,556	25,637,395	19,248,778		6,388,617
QARKU KORÇË							
12	Bashkia Korçë	Rikonstruksion i shkollës 9-vjeçare "Stavri Themeli"	49,999,496	43,113,677	24,999,748		18,113,929
QARKU LEZHË							
13	Bashkia Laç	Rikonstruksioni i Kopshtit nr. 1 në Bashkinë Laç (dy kate)	40,607,035	40,440,138	20,303,518		20,136,620
14	Bashkia Lezhë	Rikonstruksioni i sallës së qendrës kulturore fëmijëve	9,575,174	6,436,086	5,300,044		1,136,042
QARKU SHKODËR							
15	Bashkia Shkodër	Rikonstruksion i shkollës 9vjeçare "Xheladin Fishta"	22,468,458	14,586,532	11,234,229		3,352,303
QARKU TIRANË							
16	Bashkia Kavajë	Ndërtimi i kopshtit në lagjen nr.2, tek ish rezervat e shtetit, Kavajë	23,165,934	20,692,401	11,582,967		9,109,434
17	Fondi Shqiptar i Zhvillimit	Ndërtim i shkollës së mesme Farkë e Madhe, Tiranë, Komuna Farkë	252,467,306		25,701,776	25,701,776	
18	Universiteti i Arteve	Rikonstruksion i sallës së lëvizjes skenike dhe pajisja me mjete e pajisje mësimore, mbështetëse	30,388,176		15,194,088	5,000,000	
QARKU VLORË							
19	Bashkia Vlorë	Rikonstruksion i shkollës 9 vjeçare "Rilindja", Bashkia Vlorë	60,789,733	60,634,039	30,394,867		30,239,172
TOTALI			903,857,341	473,250,421	347,674,967	85,948,857	153,660,874

Shënim:

1. "Vlera e projektit" përfaqëson vlerën brenda së cilës caktohet fondi limit për prokurimin e zbatimit të punimeve (kur nuk ka financim tjetër nga autoriteti kontraktues). Vlera e plotë e projektit përcillet nga sekretariati teknik (Ministria e Arsimit dhe Sportit).
2. "Vlera e kontratës" përfaqëson vlerën e kontraktuar nga autoriteti kontraktues për zbatimin e punimeve të projektit, të kërkuar për financim nga Fondi për Zhvillimin e Rajoneve. Vlera e kontratës përcillet nga sekretariati teknik (Ministria e Arsimit dhe Sportit).
3. "Vlera e financimit të miratuar për vitin 2015" tregon vlerën e financimit që u vu në dispozicion nga buxheti i Fondit për Zhvillimin e Rajoneve për vitin 2015, sipas vendimeve të Komitetit për Zhvillimin e Rajoneve, që miratuan financimin e objektit.
4. "Fonde që i reduktohen financimit" për vitin 2015, tregon vlerën e fondit të reduktuar, nga financimi për vitin 2015, për objektet që kanë ecuri punimesh nën vlerën e financimit të miratuar në vendimet e mëparshme të Komitetit për Zhvillimin e Rajoneve, për vitin 2015. Kjo vlerë do të planifikohet për financim në vitin 2016.
5. "Fonde që i shtohen financimit për vitin 2015", tregon vlerën e fondit të shtuar, mbi financimin e miratuar deri tani me Vendime të Komitetit për Zhvillimin e Rajoneve, gjatë vitit 2015, për objektet që kanë ecuri punimesh mbi vlerën e financimit të miratuar në vendimet e mëparshme të Komitetit për Zhvillimin e Rajoneve, për vitin 2015. Kjo vlerë pakëson vlerën e mbetur për financim në vitin 2016.